

Au Costé Meridional de ce Goulfe git le Cap François environ à 30 degrez de la Ligne, ainsi nommé pource que les François y arrivent Premièrement. C'est vne Basse pointe, mais elle est bordée de grands & hauts arbres & Boscages.

De ce Cap François on vient à Cannaveral qui est vn autre Cap à 35 lieues delà, ainsi nommé a cause des Cannes & Roseaux qui y abondent. Les Espagnols & faiseurs de Cartes omettent plusieurs de ces Rivières, & changent les noms de celles qu'ils remarquent. Car la Rivière de May est par eux appelée Matanca. La Seyne est nommée S. Augustin, la Garonne est nommée S. Mathieu, & la grande S. Pierre.

De Cannaveral au Cap de la Floride il y a 40 lieues: & entre ces deux Caps se trouvent plusieurs planures. Le susdit Cap git à 25 degrez: & devant iceluy se trouvent plusieurs Escueils appelez les Martyrs, & de l'autre des petites Isles nommées Tortues, à cause de leur forme. La pointe de la Floride est large de 20 lieues: & de là à Ancon Baxo il y a 100 lieues: cest endroit git à 30 lieues de Rio Secco. Est & Ouest, qui est la largeur de la Floride.

Cap de la Floride.

CHAPITRE III.

Description de quelques Isles qui gisent vis a vis de la C. de la Floride.

Toute la Mer de la Floride est pleine d'Isles, Banes, Escueils, Plates, & semblables fonds: & quant aux Isles il y en a bien 400 petites sans les grandes nommées Lucayes, & Bahama, toutes lesquelles gisent au Nord de Cuba & S. Dominique, à 17 & 18 degrez de hauteur. Les habitants de ces Isles sont plus blancs & mieux proportionnez que ceux de Cuba & de l'Isle Espagnole, notamment les femmes: a raison de quoy plusieurs de terre ferme y ont esté faire leur demeure, comme de la Floride, Cichora, & Lucaran, y trouvant le peuple plus civilisé qu'es autres Isles, & fort différent de langage. Les hommes y vont tous nus, excepté en temps de guerre, & es iours de Festes & de daniés: lors se servent ils d'un accoustrement de Cotton, & de plumes de diverses couleurs portans sur les testes des grands plumages. Quant aux femmes, celles qui sont mariées ont leur vergoigne couverte iusques aux genoux de mantelines en forme de filez de Coron entremeslez de certaines fucilles, autrement elles vont toutes nues iusques à ce quelles parviennent en estat de pouvoir estre mariées: lors elles invitent tous leur amis & leur font vne grand festin comme si cestoyent nopces, leur demonstans tous signes de ioye, & lors portent tel accoustrement & couverture.

Constitution de la mer de la Floride.

Description des habitants des Isles autour de la Floride.

Accoustrements des femmes.

Leur Obeissance.

L'Administration de leur Roy.

Ils se rendent extremement sujets a leurs Seigneurs, sans rien omettre de ce qu'ils leur commandent quelque grand peril qui en depende, & ce sans demander pourquoy, seulement pource qu'il leur plaît. Tout ce qu'ils fient, plantent, en prennent à la Chasse ou à la Pesche, ou qu'ils font en la moindre sorte que ce soit est en la disposition du Roy, qui dispense ces ouvrages, commandant à vn chacun ce qu'il a faire. Le rapport de la terre se rassemble en des greniers, d'où il est distribué tout le long del'an selon l'exigence de la famille d'un chacun: au moyen de quoy ils menent vne vie fort heureuse & tranquille. Ils entremeslent les iours de Bale parmi leurs labours, & sont fort adonnez à la Chasse & Pescherie. On voit entre eux nulles querelles